

8-Keys.

Keys bayoni: Solixa 4 yoshda. U 3 yoshidan boshlab bog‘chaga boradi. Moslashuv (Adaptatsiya) davri yaxshi o‘tdi (adaptatsiya davri ikki oy davom etdi) Solixa faol, harakatchan qiz. Guruhda u yetakchi xisoblanib, ko‘pincha kuch ishlatadi. Guruhda bir nechta do‘stlari bor, lekin u vaqti-vaqti bilan ular bilan janjallashib qoladi. Konflikt ota-onalar yoki tarbiyachi yordamida hal qilinadi. Solixa to‘liq katta oilada yashaydi (ota tomonidan buvisi bor). Ota-onalar o‘rtasidagi munosabatlar yaxshi emas, ko‘pincha qizning onasi va buvisi o‘rtasida tushunmovchiliklar bo‘lib turadi. Tarbiyachilar kizning o‘ta agressivligidan shikoyat kiladilar: qiz guruhdagi har qanday bolani urib ketishi mumkin, itarib yuborishi yoki tishlab olishi mumkin, yana birdaniga qichqirib yuborishi yoki dodlab tashlashi mumkin.

Ota-onasi bilan suhbatdan ma'lum bo‘lishicha, qiz taxminan bir yil oldin agressiv bo‘lishni boshlagan. Uyda u ota-onasini ura olmaydi, lekin buvisi tanbeh bersa, uni urib ketishi mumkin. Ota-onasiga o‘z istagan narsasini (eg‘lab, dodlab, boshiga urib, o‘yinchoqlarini otib tashlab) qildirishga xarakat qiladi. Bunday hollarda ota-onasi bolaning bu xatti-harakatiga e'tibor berishmaydi, shunda uning buvisi uni yonini olishga xarakat qiladi va u so‘ragan narsalarini qilib beradi.

Asosiy farazlar:

Emotsional-xissiyotning buzilishi, (agressiyaning yuqori darajasi, hissiy fonning beqarorligi); Bolada xulq-atvorning buzilishiga olib kelgan ota-onalarning bergan tarbiyasi; 3 yoshga to‘lgan bolaning cho‘zilgan krizis davri. Asabning buzilishi.